

DE

9

AN FISTULA

ET

DE NOVA METHODO,

SEU DE LIGATURA

DISSERTATIO

ANATOMICO-CHIRURGICA,

QUAM, in Augustissimo Ludovico Medico Monspeliensi, Deo duce, & auspice Dei-parâ, tueri conabitur JOANNES - FRANCISCUS BOUSQUET, Dracænenfis, apud Gallo-Provinciales, Artium Liberalium Magister, & jamdudum Medicinæ Alumnus, die 14 mensis Aprilis anni 1774.

Pro Baccalaureatûs gradu consequendo.



MONSPELII;

Apud AUGUSTINUM-FRANCISCUM ROCHARD, Regis & Universitatis Medicinæ Typographum unicum.

M. DCC. LXXIV.



DISPUTATURI.

R. R. D. D. PROFESSORES REGII.

R. D. JOANNES-FRANCISCUS IMBERT, *Cancellarius & Judex.*

R. D. PAULUS-JOSEPHUS BARTHEZ, *Cancellarius & Judex Adjunctus.*

R. D. FRANCISCUS DE LAMURE, *Decanus.*

R. D. GABRIEL-FRANCISCUS VENEL.

R. D. CAROLUS LE ROY.


R. D. GASPAR-JOANNES RENÉ.

R. D. ANTONIUS GOUAN.

R. D. FRANCISCUS BROUSSONET.

R. D. HENRICUS HAGUENOT, *Decanus, Professor Emeritus.*

Stamp: BIBLIOTHEQUE DE LA FACULTÉ DE DROIT
JULI 1861




amico suo delectissimo
Johanni Gombert.
amicus fidelissimus
Auctor

1795.



Gombert



NOBILISSIMO AC EXCELLENTISSIMO VIRO

LUDOVICO-AUGUSTO

BARONI DE BRETEUIL,

REGII ET MILITARIS ORDINIS STI. LUDOVICI EQUI,

GRAVIORIS ARMATURÆ EQUESTRI VEXILLARIO,

REGIS STANISLAI, DUM VIVERET,

NOBILI CUBICULARIO,

OLIM APUD ELECTOREM COLONIÆ NEC-NON RUSSIARUM

IMPERATRICEM MISSE ORATORI,

IN SUCCIA, BATAVIA, VIENNA AUSTRIA, NUNC TANDEM

NEAPOLI REGIS CHRISTIANISSIMI LEGATO. &c. &c. &c.

VIR PRÆCELSISSIME,

*IN me munificentiae tuæ memoriam perennare jam-
dudum gestiebat animus : ecce beneficiis tuis cumulum
addes , si istam de Fistulis ani apellam tuo condeco-
ratam nomine in lucem prodire permittas. Tanto*

fretum præsidio , neque rei agendæ difficultas , neque ingenii tenuitas terruere ; manus ergo operi admovi , & hos qualescumque laborum meorum fructus tuæ benignitati affero.

Prima mea jam in arte medendi tentamina holmiæ sub EXCELLENTIÆ TUÆ auspiciis palam fieri annuisti , generoso favore incitasti , & si aliquos in septentrionalibus oris habuerim successus , hos tuæ erga me benevolentiae unice tribuendos fore , nulla umquam delebit oblivio.


Oh felix terque quaterque felix ! si munusculum istud serenâ fronte digneris aspicere. Faxit Deus optimus ut , pro tantis quibus te ornavit virtutibus , Regi amantissimo & Reipublicæ servet incolumis. Hæc sunt vota quæ gratâ & sincerâ mente fundit

Illustrissime Legate

EXCELLENTIÆ TUÆ ,

Humillimus & obsequentissimus
servus & cliens ,

J. FRANCISCUS BOUSQUET,



DE ANI FISTULA

ET

DE NOVA METHODO, SEU DE LIGATURA

DISSERTATIO

ANATOMICO-CHIRURGICA.

FISTULA ulcus definitur profundum, angustum, & cum vetus est callosum, partes molles occupans; etsi non semper, attamen crebrò abscessui succedit. Hinc colligere licet frequentiore fistularum sedem esse in partibus, prælaxitate suæ structuræ, abscessui magis obnoxiiis proindeque in ani circumferentiâ; quod quidem hujusce partis anatomîâ luculenter patebit.

Talis est corporis animalis structura, ut per ipsiusmet vitæ causam quotidie deteratur, brevique corrueret nisi ingestis deperdita citò reficerentur. Cum autem tota ingestorum massa in nostram naturam assimilari non possit, hinc postquam hæc per tubi intestinalis cribrum partibus chiliferis fuitorbata, superest residua pars cui, tamquam sarcinæ inutili, via paranda fuit, quâ è corpore eliminaretur. Hunc igitur in finem tubus intestinalis foramine quodam terminatur, quod anus dicitur.

Alvi continua aut frequentior depositio incommoda non tantum fuisset sed & variis vitæ muneribus obeundis quodammodo obstitisset. Verum his molestiis sapienter à naturâ prospectum fuit. Anus acuratè clauditur ope sphyntherum & intestinum rectum extensile est multâque textus cellularis valdè compressibilis copiâ circumdatur. Unde fit ut excrementa possint congeri, & per tempus servari usque dum mole, pondere & acrimoniâ nixus cieant, quibus sphyntherum superatâ resistantiâ, certis diffitisque vicibus per anum apertum expellantur.

Sphyncteris nomine intelligitur, musculus qui, suarum fibrarum contractione foramen aut canalem ad minorem reducit diametrum;

duplex hujusce modi musculus anum obferat : unus ab ultimis confertioribusque fibrarum circularium mulculosæ tunicæ intestini recti annulis efformatur, & internus dicitur. Alterum verò & externum constituunt duo fibrarum sibi parallelarum fasciculi, hinc offi coccigis, ligamentoque cuidam cutaneo ab illo osse descendenti, antèrius verò tendini medio musculi urethræ transversalis, sese immitentes. Inter illos fasciculos, medietate suâ disjunctos, fibrasque proinde ad rectam lineam suâ contractione accedere nitentes, anus comprehenditur.

Alios prætereà duos musculos ani levatores dictos autopfia exponit anatomica. Sub hoc nomine designatur expansio quædam muscularis, tenuis, lata, fundum abdominis constituens, cujus fibræ extremitate suâ superiori ad interiorem pelvis hypogastricæ faciem à symphisi ossium pubis usque ad ligamentum sciaticum minùs adnectuntur: deinde versùs posteriora obliquè descendunt, interioresque sphyncterum fibris implicantur. Reliquæ verò quæ & numerosiores recti intestini partem inferiorem amplectentes, in os coccigis partim, partim in ligamentum cutaneum suprà dictum terminantur. Ex hâc consideratâ fibrarum illarum dispositione levatores ani, sphyncterum antagonistas esse judicare pronum est; anum quoque sustinent ne deorsum proferratur viribus quæ excrementa per sphyncterum resistentium intervalla propellunt.

Anum perreptant arteriæ, venæ & nervi; arteriæ quæ hæmorroidales externæ vocantur, pudendæ communis rami sunt posteriores. Venarum eadem est distributio, idem nomen. Nervi à plexûs hypogastrici ganglione utroque, & ab utriusque nervi intercostalis posterioris commissurâ oriuntur. Cutis tandem quæ ani investit circumferentiam plurimis pertusa videtur foraminibus, quibus excernitur humor sebaccus ex folliculis sibi propriis effluens, ambitumque ani descendens.

Ex perspectâ modò ani fabricâ, liquet facilem in hâc parte fieri vasorum ingurgitationem, quam brevi subsequitur inflammatio quæ plerùmque intrâ paucum temporis intervallum in abscessum terminatur: pus autem in abscessu collectum aut quodlibet aliud, partes molles à contactu naturali removens, tamquam causa fistulæ remota haberi debet.

Causam verò proximam esse id omne quod præpedit quominùs partes sic diductæ sibi coalescant, dubio procul censemus; quam unicam constituimus, corporis nempe extranei præsentiam, cujus quidem ablatione auferetur & morbus, callositatem autem tantùm symptoma esse, rem attentius perpendenti patebit. Corpus illud vel solidum est & intrâ partes molles ad actum immoratur, (quod quidè m videre est

in Fistulis ab ossis carie, à globulis plumbeis, & aliis id genus in texturâ partium degentibus, productis aut fotis:) vel est fluidum, & jugiter manat ex canale excretorio, quocumque modo id factum fuerit rupto. Ad hanc causæ speciem referendæ sunt perinei sacci lacrymalis, & pleræque ani Fistulæ. In his nempe humiditates sterco-
rales per Fistulam perpetuò fluentes, ipsius parietum coalitioni obstant.

Jam verò objicietur, fluxum hunc locum non habere in Fistulâ cæcâ externâ. At frustuli callosi solitâ operatione ablati inspectione, & injectione in cavum Fistulosum per tempus sufficiens continuatâ; potest demonstrari Fistulam quæ extus hiat, in intestinum & etiam patere. Pervicacioris siquidem examinis defectu judicatur Fistulam (etsi sit completa) attamen esse cæcam externam ex resistentiâ stilo, per orificium exterius versus intestinum directo, à Fistulosi tractûs tortuositate & habenulis quibusdam cellularibus oblatâ: Fistulæ ergo ani ut sint cæcæ externæ, à corpore extraneo ab extus intrâ marginum ani compagem adacto ibique immorante, repetendæ sunt: quæ autem abscessibus succedunt, vel quæ, à corporibus solidis vel deglutitis viam sibi per texturam partium ani marginem constituentium parantibus, producuntur: in completas & cæcas internas tantum dividendæ.

Fistularum completarum orificium exterius facile detegitur, interius verò aliquando difficiliore negotio, imò sæpius nisi pertinaci disquisitione, attamen semper comperitur. Fistulæ autem internæ signa sunt tumor extus parum prominens, in suâ circumferentiâ mollis; digito in anum immisso ciffura detegitur interna, tuncque si centrum tumoris exterius prematur, pus secundum digitum introductum effluit; excrementa tandem pure imbuta observantur.

Usitatiores autem fistularum ani curatoria methodi sunt incisio & cauterisatio: incisio fit duplici modo, siquidem nunc aperiendus est tantum fistulæ canal; nunc verò totum auferendum est callum, pro casu diverso, quænam incisionem sequantur accidentia quænam verò his apponantur medelæ norunt Medici & Chirurgi.

Causticum minus fidum, diuturniori repetitoque dolore itipatum, in his tantum casibus esse adhibendum, in quibus ob finium profunditatem incisio hæmorrhagiæ periculum præferret, plerique consent practici. Fas sit nobis cum viro * inter Chirurgos celeberrimo

* Clar. Foubert, cujus viri doctrinæ de Fistulis compendium hæc nostra disquisitio exhibet, quæ quidem doctrina in dissertatione anno 1750 in concentibus Academiæ Chirurgiæ privatis lecta traditur. Hujus dissertationis pars in ejusdem Acad. concentu publico, eodemque anno publici juris facta fuit. V. Mercure de France, Décembre 1750.

aliam æque tutam ac mitiorem methodum, ligaturam scilicet, boni publici gratiâ, in usum revocare.

Ligatura, methodus antiqua, ab Hypocratis ævo sæculisque sequentibus vicens, jamdudum videtur obsolevisse, etiam si apud neotericorum plurimos de hac mentio fiat. Quod quidem videtur repeti debere ex difficultate quâ frequentius stylum per orificium fistulæ exterius immissum usque ad intestinum penetrare non potest, ex non cognitâ theoriâ superius relatâ ex doctrinâ receptâ &c.

Quæ autem hujus methodi renovatori laus debetur, in eo posita est, ut varia rationum momenta quibus à veteribus derelicta fuit manifestaverit, harum rationum errores indigitaverit, mediaque edocuerit quibus stylo in Fistulam introducendo obstacula superari possint.

Parumper attamen sua discrepat methodus à veterum modo in ligaturâ instituendâ; scilicet per Fistulam filum setaceum aut lineum injiciebant antiqui, nodoque partem comprehensam constringebant: ille per orificium exterius filum trajicit plumbeum ope styli aliâ extremitate retusi, aliâ verò cui immititur filum cavi. Retractâ ope digiti in anum introducti, styli retusâ extremitate, filum plumbeum sequitur, ansam efformat, torquentur in dies duo extrema illius pendula, & paulatim scinduntur partes eâdemque proportionem impletur cavum Fistulosum, sic ut deciduo filo, aut paulò post, cicatrix se perfectam præbeat.

Hujus autem phænomeni ratio simplex est; sectione à filo peractâ aperitur ulcus, quod non multò post cicatrice obducitur. Cum ligatura, nondum prædicti authoris rem pluries jam experti spem fefellerit, intraque breve tempus curatio in omnibus casibus instituta fuerit, illam aliis methodis anteponendam esse nemo diffitebitur qui attentâ mente perpendet, hanc minori dolore stipari & accidentibus quæ alias sequuntur methodos, hæmorrhagiâ scilicet stranguriâ, feбри &c. carere. His adde intra brevius temporis intervallum curationem obtineri, ægrumque à molestiis tum incisionis, tum cauterisationis pedissequis expeditum, res suas agere, motuique ad sanitatem necessario indulgere posse.

Plurimis innotescit experimentis solam finis fistulosi compressionem faustissimos habuisse successus, nec mirum si sic instituta fuerit, ut parietes Fistulæ completè coadunarentur, ita ut omninò cohiberetur effluxus humiditatum stercoralium. Huc referri debent qui ex emplastrorum quorundam usu obtenti fuerunt successus: minime siquidem credendum eventum qualicumque emplastri virtuti deberi: ut autem emplastra hæc pro voto succedant, ipsis suppositorii forma concilianda est, quam quidem aptiorem credimus, ut desideratus effectus, nempe Fistulæ parietum approximatio, concilietur.

F I N I S.